

佛祖統紀 三

風陵文庫
文庫19
F 229
2



教主釋迦牟尼佛本紀三 佛祖統紀卷第三

天宋景定四明東湖沙門 志磐 撰

轉法輪

序曰說法度人如來出世之大要人有利鈍則法有頓漸故聞法之人無不悟入猶夫醫王應病與藥藥能合宜則病無不愈疏不云乎今佛始終具轉五味法輪轉此法度入他心令得悟斯轉法輪之義也如來轉法輪一代五時則有八教

轉法輪者輪以摧碾為義如來說法化轉物心於法自在如輪王輪寶運轉無礙又如來三輪不思議謂身輪現通口輪說法意輪鑑機能與衆生摧

山門禪定 蘭若藏本

F0229-(2)

碾一切感累法苑云輪王有二財輪王者有四等
 金輪千輻化被四洲住劫八萬歲時出銀輪七百
 五十輻化三天下除北洲銅輪五百輻化東南二
 洲鐵輪二百五十輻唯化南洲如阿育王是也法
 輪王者若減百年如來出世是也
 一代者通指八相別在五時五時復有通別妙玄
 云五味半滿論別別有齊限論通通於初後若華
 嚴別但在初通則至後鹿苑已去例此云今論一
 化唯在別義論五時者義出三經謂華嚴三照涅
 槃五味法華信解品四大弟子領解等文故文句
 云四大弟子深得佛意探領一代五時之教始終

次第其文出此

八教有妙樂云化儀四教是判教之大綱化法曰
 教是釋義之綱目是知頓等是判藏等是釋如判
 華嚴為頓則以別圓釋之乃至判法華為非頓非
 漸以純圓釋之此今家消經之軌則也妙樂又云
 若消諸經但用藏等其文稍通若釋法華無頓等
 八舉止失措謂餘經但論當部逗機得益故未須
 頓等若釋法華須明一代故用頓等以括始終輔
 行云藏等四教徧收一切大小乘經因果顯了各
 立教主各被機緣始終備足不過此四頓等四教
 但是如來不思議力布措藏等盈縮調停成熟物

機破邪立正。引小歸大。廢偏顯圓。會權入實。故有諸部五味相生。利物無方。適時出沒。

言五時者一華嚴時

具云大方廣佛華嚴經。人法辟具足。立題別行。玄記云。大方廣是法。佛是舍那果人。華嚴辟諸地。因華莊嚴果德。此經惣有七處八會。會處不一。故以經標名。

二鹿死時

輔行引大論云。如來因地為鹿群主。波羅奈王入山遊獵。有母鹿懷子。當差次供饌。母告鹿主。枉殺其子。鹿主詣王求代。王說偈曰。我實人頭鹿。汝是

鹿頭人。以理而為人。不以形為人。我從今日始不食一切肉。我以無畏施。亦可安汝意。鹿群所居。故名鹿苑。亦名柰苑。從樹立名。亦名仙苑。以二仙所住。故此以處標名。酬昔行因之地。

三方等時

四教並談。曰方四機俱被。曰等。此從法得名。依部教立。故續遺記云。方等之名。有二意。若大經從酪出生酥。譬修多羅出方等。此約第三時的。從部教。即被三乘四教機也。若普賢觀。此方等經。是諸佛眼。乃直明圓理。非第三時也。普賢方等。乃方廣平等之義。諸部大乘談圓理處。並名方等。

四般若時

此云智慧五種不翻中尊貴不翻也具云摩訶般若君此從經標名

五法華涅槃時

二經同明開顯並屬醍醐故合為一時此並從經標名法華具云妙法蓮華經由妙法有施開廢三者之義故以蓮華為喻涅槃者具云摩訶般若涅槃經此翻大滅度大即法身滅即解脫度即般若一經始終純談三德

是為五時

五時立名不出三義華嚴從喻鹿苑從處方等般


若涅槃從法法華從法喻

亦名五味

此有相生濃淡二義言相生者妙玄云初頓之後次開於漸故涅槃云從佛出十二部經從十二部經出修多羅譬從牛出乳從乳出酪云次第相生不取濃淡又云呼為乳者意不在淡以初本故言濃淡者義例云經中五味唯喻一代五時濃淡濃淡雖殊皆從牛出元草堂云相生喻教濃淡喻機喻教則有次第從頓開漸漸入轉深終會於圓喻機則有優劣初自聾瘡彈訶淘汰而卒至得記祇一五味作兩番譬能譬雖通所譬則局今論一

化次第唯取相生之義

○三照五時五味之圖



切大山次照金山剛寶山然後普照一切大地日光不作是念我當先照諸大山王次第乃至普照大地但山有高下照有先後如來亦復如是成就無量無邊法界智光先照菩薩次照緣覺次照聲聞次照決定善根衆生隨應受化菩薩然後普照一切衆生云又云譬如日月出現世間乃至深山幽谷無不普照玄文含大山寶山涅槃經云佛說二十五三昧無垢藏菩薩白佛言如佛所說諸佛菩薩成就智慧功德百千萬億實不可說我意猶謂不如此經能出阿耨多羅三藐三菩提佛言譬如從牛出乳從乳出酪從酪出生


酥從生酥出熟酥從熟酥出醍醐醍醐最上佛亦
如是從佛出十二部經從十二部出九部修多羅
從修多羅出方等典從方等典出般若從般若出大涅槃
醍醐譬於佛性佛性即是如來釋籤云涅槃五味轉變而
祇是一乳華嚴三照不同而祇是一日今演華嚴平地
之譬以對涅槃後之三味數雖不等其義宛齊云
又云華嚴但云平地今離彼平地以譬方等般若
法華方等如食時般若如禺中法華如正中
言八教者頓漸秘密不定為化儀藏通別圓為化法
是為八教化儀如世藥方化法如辨藥味
言教者詮理化物之義聖人被下之辭化儀四教

是如來化物之儀式故喻如藥方化法四教是般
生除病之法度故喻如藥味化儀等四教下義理
祇是藏通別圓雖通名為教其實無別有體
八教文證者初化儀四教如華嚴云初發心時便
成正覺妙玄云如日初出先照高山此如華嚴緣
得大益名頓教相無量義經云從一清淨道施出
二三四妙玄次照幽谷此如三藏次照平地此如
方等般若並漸教相大經或時說深或時說淺淨
名佛以一音眾生各解此不定教大品我見閻浮
提第二法輪轉大論云今轉似初轉此秘密教也
次化法四教者妙玄引長阿含云佛說四大教籤

云。但有四。非即藏等也。月燈三昧經。明四種修多羅。其中有四種。斷無明智。章安私釋。以對四教。籤云。與四教義甚相應。然此並是約義。以對末見立名之的。今準四教義。引法華云。貪著小乘三藏學者。成論我今正欲論三藏中實義。此並藏教名義。華嚴云。為說圓滿修多羅。大品云。欲以一切種智。知一切法。當學般若法華。以平等大慧。為大眾說。如所說者。皆是真實。涅槃經復有一行。是如來行。所謂大般涅槃大論。三智其實一心中得。此並圓教名義。唯通別兩名。徧在諸文。是大師之所義立。如四教義。引大品云。薩婆若智。三乘同得。中論

諸法實相。三人共入。此並通教義。通者同也。三乘共稟。故名為通。無量義云。摩訶般若華嚴海空。宣說菩薩歷劫修行。涅槃經明五行大論。不共般若。斷於別惑。此並別教義。別者不共之名。八教名義者。直說於大時部。居初名頓。中間三味。引小向大。名漸。一音異解。互不相知。名秘密。聞小證大。聞大證小。名不定。經律論三。含藏法義。名三藏。三乘共行。利根菩薩。通別通圓。故名通。獨菩薩法次第。斷證別前。藏通別後。圓教故名別。教理智斷行位因果。一切圓融。故名圓。

○八教對會五時圖



妙玄釋，如是我聞云，若非超八之如是安為今經之所聞，文此當以部教分之。約部則非兼帶之圓，故超八教若但約教則今昔圓義更無有二。故籤云：入教中圓教帶偏明圓猶屬於漸。今法華圓開偏顯圓外無法。

初頓教者，即第一華嚴時。從部時味得名為頓。此謂如來始成正覺，在寂滅道場四十一位法身大士及宿世根熟天龍八部一時圍遶，如雲籠月，是時如來現盧舍那身，說圓滿修多羅，故言頓教。

頓教者有約部約教二義。約部則別在華嚴約教，則通於餘時。今此正當約部明頓之教。對下三漸化儀為言也。下文云：從部時味得名為頓，是也。華嚴為部，先照為時，乳為味。合此三義為部時味。簡餘時也。下鹿苑時亦可得云：從部時味得名為漸。初此後可例。始成正覺者，此約迹中大始而言，非本中初成也。

寂滅道場者寂五住煩惱滅二種生死見惑一住
思惑分三塵沙合無明爲一住同居土分段生死
方便實報土變易生死得道之場如世治穀之場
除五住練顯實相米新譯經菩提道場名異義同
四十一位者妙玄云華嚴明三十心十地佛地爲
四十一位以破無明顯中道法性之理故云法身
法身有二義毗盧遮那性德法身分破無明至究
竟者名修得法身今文在修義兼性德四念處云
華嚴前無十信後無等覺者玉慧覺云不可將部
中談位而難經初列衆蓋華嚴事事談十故合等
覺在十地如光明記云華嚴不開等覺十地即等

覺也今言經初列衆故有等覺若前無十信者華
嚴明十梵行即十信也故四教義云十種梵行與
圓十信同今文唯約法身大士故不列十信
宿世根熟天龍八部者諸經列衆有龍畜等者當
用涅槃四句料簡一乘急戒緩四趣聞法悟道者
二戒急乘緩著樂人天不聞法者三乘戒俱急夫
人聞法得道者四乘戒俱緩四趣不聞法者今此
衆皆是宿世曾聞華嚴或種或熟今當得脫之衆
止觀云以三塗身值彌勒佛聞華嚴經正此義也
八部如常論
如雲籠月者妙玄云法身眷屬如陰雲籠月共降

母胎此喻降胎之相。今四教儀取喻轉法輪眷屬之相。其義兩可。雲以喻機。月喻教主。仁王經云。十五夜月。闇盡光圓。以喻如來智德漸圓。咸闇究盡。乃成斷結。

盧舍那者。此云淨滿。諸惡盡故。淨萬德圓。故滿。即自報身也。亦云光明徧照。如大論云。光明無邊。色像無邊。尊特之身。即他報身也。今明教主。依四明立義。正是樹下釋迦。現起尊特。如解謗引經云。爾時世尊。不離一切菩提樹下。而上升須彌。向帝釋殿。說法。豈非華嚴。是千百億應身所說。修多羅者。此云契經。能說所說。契理契機。亦十二

部之惣名也。文雖兼別。部意是圓。

若約機約教。未免兼權。謂初發心時。便成正覺等文。為圓機。說圓教。處處說行布次第。則為權機。說別教。故約部為頓。約教名兼見妙玄十及四教儀

發心有二。一解行發心。五品也。二相似發心。十信也。三真證發心。初住也。今是真證發心。即是發理。性三因之心。分證三德之理。四教義云。華嚴初發心時。便成正覺。即是發真無漏。斷無明入初品。起信論云。菩薩發是心。隨其願力。能見八相。妙樂云。華嚴起信。彰灼明文。初住八相等文。並普賢普眼三無差別等。皆圓文也。

行布次第者七處八會故云處處行列布措階位
淺深故云行布此經所談有圓融行布二門釋籤
云華嚴會處所明行位不出別圓但經意多含義
難定判始從往前至登地來全是圓義從第二住
至第七住文相次第又似別義於七住中文辨一
多相即自在次行向地又是差別次第之義又一
一位皆有普賢行布二門故知兼用圓文接別
華嚴云如日初出先照高山妙玄
日喻教主高山喻別圓之機大機當熟故先蒙如
來慧光所照
涅槃云從牛出乳譬從佛出十二部經妙玄

玄文言大機稟教即破無明行如醍醐者文此指
華嚴高山王機也涅槃言從牛出乳者此約一化
指聲聞聲塵也故玄文云三教分別即名頓教亦
即醍醐五味分別即名乳教今言從牛出乳者即
初味也

信解品云即遣旁人如來為正菩薩為旁即是佛加
說十住功德林說十行金剛說十地急追將還直約大教攝
急追昔有大乘故曰將還又窮子驚愕卒聞大教非
復性德本自有之故曰將還窮子驚愕心故驚不識
故稱怨大喚生死為苦煩惱為怨若聞生死即涅使
者執之逾急為說怖畏令其急切強牽將還內既無機窮
子自念無罪而被囚執此必定死衆生罪故入生死

明異執因中二

- 一類二
- 一正執頌上
- 二明名義二
- 二明異執因義
- 初有宗
- 後述經部
- 二義門分別
- 一明惡德多少
- 二約處明罪多少
- 三約世合明罪多少
- 四明感果時

此下才六明異執因 後少十九 至二十時廣明長行中二疏分科甚詳 今試改科文分為二初初類 後義門分別於初中二初正執頌 後真名義 此即初也 後少十九



厭二乘無大悲心令入生死即轉更惶怖等事 悶絕

是而彼因執永失三乘慧命小智不解 父遙見之是結緣子故見 而語使言

者語之我今放汝息化窮子歡喜 往至貧里教所逼

以求衣食於四諦中欲求道法 此領何義此為如

來說圓頓教門以大擬小機生悶絕妙玄

華嚴三名述曰舊以寂場時長盡未來際法界列

為四種華嚴又分前三屬事後一屬理此皆積代

之謬今篤論其義祇有三名一者寂場妙玄引方

便品始坐道場三七思惟明釋迦最初頓說是也

從初卷至三十一卷為前分 二者時長妙玄引法性論純根三

處入法界是也從二十七卷 三者盡未來際文句

云華嚴末帝始開於漸妙樂云此且寄婆娑一期

設化用通今意應知華嚴盡未來際即是此經常

在靈山何殊十方更互主伴前二名見妙玄雖有

三名而於所說之經無非華嚴所詮之理無非法

界或言母胎者妙玄云佛從兜率下與法身眷屬

共降母胎常宣妙法文是時未轉法輪當屬盡未

來際實報土相專被大機者所攝此說有言海空

者妙玄引無量義經次說般若華嚴海空此祇

是因般若入法界時長所收然則母胎海空不當

別出二名也審矣

時長通後述曰評時長通至三處者謂般若海空
法華佛慧涅槃心地法門是也妙玄引無量義經
云次說般若歷劫修行華嚴海空法華會入佛慧
即是通至二經截云以般若亦得名華嚴法華佛
論之無非華嚴佛
慧言之無非法華此即通般若通法華之證也又
引像法決疑經云今日座中各見不同或見如來
入涅槃或見報身坐蓮華藏海為千百億釋迦說
心地法門又妙玄云日若垂沒亦應餘輝峻嶺故
蓮華藏海通至涅槃之後此通涅槃之證也又引
法性論云鈍根三處入法界此即通後三處之文
也今更論之妙玄云因般若入法界即是華嚴海

空由歷劫修學般若今發空智得
入法界觀華嚴藏海皆畢竟空又云華嚴時節
長昔小機未入如聾如瘖今聞般若即能得入且此
舉般若得入為端法華涅槃亦當例此得入後人
欲據此文齊至般若者不知通至二經及三處入
法界之文如何消釋法界之文如何消釋
時長得名正出此文截云一以法界為華嚴此即
寂場二以時
嚴圓頓之教舉所詮法界之理以為各也三七及盡末來際獨為利根大機常說華
嚴圓頓之教舉所詮法界之理以為各也二以時
長通至於後者至法華開頭方始得入也二義並
通是故並存大機則華嚴不休釋上法
與之義小機則諸
教次第是故鈍根猶存小見釋上時長由根鈍存
小見故歷諸教始得
知又妙樂引入佛境界品三卷文殊語舍利弗等
六千比丘汝等善能成就十種大心則得佛地自
舌共云華嚴時長乃是結集後教至般若來方可

得云令諸比丘成十大心此乃義當轉教時也結
此等意入華嚴中故云時長文有人據轉教時之
言便謂華嚴齊般若者殊不知荆溪引此經後分
有聲聞為時長至般若之證耳初未嘗的判但齊
般若不然荆溪釋玄文三處入法界何云時長通
至於後小機諸教次第邪又有人云車溪縱通涅
槃不當通法華謂有妨如來調機無功為之難者
若能細思會入法華佛慧之言則此意自銷何妨
之有

華嚴教主述曰論華嚴教主者準四明解謗之說
於尊特身有須現不須現二者之分故須現則如

梵網華嚴及觀經等相多身大不須現即以力加
令於劣身不取分齊見三十二相即無有邊以知
丈六是法界故今詳此說考之經文則有二義一
約補處謂菩薩樹下初成正覺若非補處豈曰初
成又偈云迦葉曾來住此殿是故此處最吉祥如
是十偈讚過去十佛既佛佛俱有補處則知藏塵
相好之佛須是分段生滅之身與同居應更無少
異二約上升謂是時世尊不離菩提樹下上升須
彌華嚴骨目云不動向帝釋殿說法即前迦葉十
而外赴機得處佛曾住之殿
現起之義豈非華嚴是千百億應身所說此身既
被別圓之機見是尊特何須獨指華臺受職身邪

此即破淨覺指實報土藏塵尊特橫應同居之說
蓋大師說三品相海皆權機而現別教則用別修
緣了成就此相即修成之尊特故名報身圓教能
了二修即性修德無功乃性具之尊特故名法身
據此則知即性而論本名法身取土同居則名應
身被機現起則名尊特求異淨覺修成尊特橫應
同居之說然則今師約機約教以定身者正是樹
下生身現起尊特以應別圓之機正合妙玄釋迦
最初頓說說釋迦是生身亦合四教儀如來現盧舍
那身說法之言起尊持故轉名舍那世有取月堂
之說云境本定身則是釋迦機感見相則是舍那

蓋有得於此云

然初頓未必純教法身菩薩亦有凡夫大根性人此
有兩義若當體圓頓得悟者即破無明入圓初住此
是醍醐若初心之人雖聞大教始入十信最是初味
名之為乳呼為乳者意不在淡以初故本故凡圓教內
清淨即是十信初信斷見二信至七信斷思八信
至十信斷界內外塵沙惑以未被無明故但名乳若
小根性人大教擬小如聾如瘖小機未轉全生如乳
十妙云

華嚴二味四機述曰自昔教初學者為時味圖上
言高山下對乳味未嘗有論之者今案玄文華嚴
之時自有二味四機之別一者純教法身即是分

證中道四十一位。此名醍醐。二者凡夫大根入圓
初住證。一分中道以去亦名醍醐。三者始入十信
雖斷四住未破無明。但名爲乳。四者小根聾瘡全
生如乳。然則名醍醐者有二機。名爲乳者亦有二
機。玄云於小如乳於大如醍醐。少分譬喻不可全
求如籤云華嚴分喻初味而未得於華嚴之頓及
別圓兩教。但有五味次第之相。當知謂華嚴爲
乳者正約從頓開漸施設化事之意。
三七擬機述曰諸文謂三七是擬機者人無異論
然玄文云於彼初分求無聲聞後分則有雖復在
座如聾如瘡故義神智據此非之曰初分求無何

所擬哉。今作二義釋之。方爲盡理。一者三七初分
求無此如來擬宜之化意。二者後分則有狀如聾
瘡此如來擬宜之化事。初言化意者如方便品云
始坐道場三七思惟。籤云初七思惟欲說圓次七
思惟欲說別。三七思惟欲說通。皆無機故。但說三
藏籤又云約大機則寂場之時約小機則成已思
惟未說之時。妙樂云小見三七停留大觀始終無
改。此皆如來擬宜之化意也。言化事者如文句云
華嚴末席始開於漸。妙樂釋之云舊經云佛在逝
多林入師子頻申三昧。舍利弗從祇園出不見如
來自在莊嚴不見諸大菩薩眷屬。無智眼能見亦

第二會菩提場普光明殿說六品○如來名號

文殊說得界十方世四聖諦文殊說得光明覺文殊說得菩薩問明文殊問覺首等破無明義法首菩薩云如

亦如是如人善方藥自疾不能救如尊奏音藥院彼不自聞又賢首云一切無礙人一箇出生死

淨行文殊答智首一切行願若飯食時當願眾賢

首文殊問賢首菩提心功德等信是道元功德母

第三會初利天宮說六品○升須彌山佛坐音提

座升須彌山帝釋讚云迦葉曾來住此殿是故此

慶最吉祥如是過過去十佛讚皆言此殿最吉祥

升荆溪云不動而山頂偈讚佛坐帝釋殿法慧等十

云了知一切法自性無所有十住法慧說十住一

梵行法慧說修習發心功德法慧答帝釋問發心

故一念知廣大出世界長短劫故有佛無佛一佛多佛

荆溪云發心所緣是所觀境具明法心善薩離十

三諦無性空一切假平等中明法法慧說初發

故說修十種法具大功德成就佛

第四會夜摩天宮說四品○升夜摩天佛升此天

夜摩偈讚功德林等各說偈讚佛覺林偈云心如

名與色又云如心佛亦爾如佛眾生然心佛及眾

生是三無差別又若人殺了知三世一切佛應觀

法界性一十行功德林說十無盡藏功德

第五會兜率天宮說三品○升兜率天佛升此天

兜率偈讚金剛幢十回向金剛幢說得云法性徧

國土三世悉在無有

第六會他化天宮說一品○十地金剛藏說用十

餘亦無形相而可得

地對諸天王如

故一念知廣大出世界長短劫故有佛無佛一佛多佛

荆溪云發心所緣是所觀境具明法心善薩離十

發光地獄初
利天王等

第七重會普光明殿說十一品 ○十定 普賢說入
十種三昧

十通 普賢說
十種忍 阿僧祇 佛為心王菩薩
說阿僧祇無量

壽量 心王說此校世
果劫數長短 善薩住

佛不思議 心王說東方諸佛
國有那羅延蜜

十身相海 普賢說如來十身
一皆有十華藏世界

如來隨好光明 佛告賢者
隨好光明

普賢行 普賢說修
行十住等 如來出現 佛放光
名如來

普賢說 普賢說
普賢說

第八三會普光明殿說一品 ○離世間 普賢說廣
列菩薩雜

第九會逝多林說一品 入法界 時世尊入
師子頻申

三昧舍利弗等諸大聲聞在逝多林皆悉不見如

來神力亦復不見菩薩大會以善根不同故本不

修習見佛善根本不讚說諸佛神變不能見聞念

舍利弗與六千比丘在文殊所文殊以十事勸之

令行善薩道即得無礙服三昧見一切佛境界悉

見諸佛文殊勸已南行至福城東為善財童子說

法令求菩提近善知識從此南行一百十城參五

十三善知識入普賢道場得一一切佛刹微塵數三

昧門徧見普賢於十方界○此並依剎微塵數骨

目籤云龍宮所藏三本上本十三世界微塵數品

中本四十九萬八千八百偈下本十萬偈四十八

品今但三十九品則知經來未盡 龍樹入龍宮閱
經以上中二本

非世所堪但誦 下本流行於世

二月九日如來於七日中一心思惟觀於樹王而自

念言我所得法甚深難解唯佛與佛乃能知之一切
 衆生薄福鈍根云何能解我所得法我寧入般涅槃
 時大梵天王即發天宮至如來所白言世尊始於今
 者成無上道云何默然而不說法然有衆生過去世
 時植衆德本甚任聞法唯願世尊為斯等故以大悲
 力轉妙法輪釋提桓因乃至他化自在天亦復如是
 時梵王等乃至三請滿於七日默然受之二十七日以
 佛眼觀諸衆生上中下根及諸煩惱三七日思惟今
 我當開甘露法門誰先得聞阿羅邏發願道成先度
 空中有言昨日命終又思迦蘭利根亦應先聞空中
 又言昨夜命終又思王臣所遣五人過去發願應先

闍法即從座起詣波羅奈因果經○文句引因果經

藏備引諸經明三七皆不同唯因果經畧同今師意
 改今佛紀之文多準此經阿羅邏迦蘭二仙并陳如
 五人並見
 本紀二卷

二月三十日世尊到文鱗育龍無提水邊坐定七日

光照水中龍目得開自憶前見三佛光明賢劫中拘
 龍也目輒得視乃出水見佛天雨七日龍以身遶七

匝七頭羅覆以為障蔽七日雨止佛從定寤龍化少

年道人佛即為授三自歸法應如提謂歸
 依當來僧諸旁生中

最先見佛因果

三月七日樹神知佛七日立定此水邊坐定
 神非善提樹神未有

奉食適五百賈客從山面過車牛皆躓不行躓音至
 寔同疑

奉食適五百賈客從山面過車牛皆躓不行

不行也韓文進學解跋前瓊後有兩大人提謂波利俱詣樹神請福
 樹神即為言佛在水邊汝曹幸先奉食兩人即和蜜
 夢上佛四天王取石中自然香鉢各用持上因果經
各奉一青石鉢佛念取一鉢不快餘王意乃悉受四
 鉢累置左手以右手案成一鉢令四際見瑞應佛為
 兜願食訖即授賈人三歸一歸依法二歸依法三歸
 依將來僧因果佛先為辨五行六甲陰陽曆數既信
 服已令歸依佛歸依法歸依當來僧時長者得須陀
 洹此云頌流初果人也復為說五戒曰五戒者諸佛之母故求
 佛道讀是經欲求阿羅漢此云無生四果聖人讀是經時提謂
 得不起法忍三百人得信忍二百人得須陀洹五百

賈客四天王得柔順法忍提謂經○補注云提二二寶錄舊有提謂經一卷後因

魏世曇靖撰提謂波利經二卷如五行五方又云東方泰山漢言岱岳不識梵魏致後人以爲偽今當以一卷者爲正佛為提謂授記未來成佛號密成如來普耀

提謂攝屬述曰佛說五戒人天之教正是顯露提謂得忍聞小證大乃是不定是為顯露不定教也

若約時則當華嚴三七後及水邊七日後是為第五七日如因果經所云若收經則人天之教三藏

所攝如四教義所云次漸教者有三時鹿苑漸初方等漸中般若漸末揔

名爲漸教迷曰此爲身子等一類小機華嚴無益從頓開漸

次第引入。漸初鹿苑四諦十二因緣同證小果漸
中方等彈徧折小同慕大法漸末般若轉教付財
領知家業故揔名為漸也

第二鹿苑時者佛本以大乘擬度衆生其不堪者尋
思方便趣波羅柰此云江遠城中印於一乘道分別

說三即是開三藏教也非仙釋迦隱其無量神德作
斯漸化過現諸佛亦復如是當知初頓之後次開於

漸漸機於頓全生如乳三藏中轉革凡成聖喻變乳
為酪次第相生不取濃淡妙玄為三乘根性於頓無

益故不動寂場而遊鹿苑脫舍那珍御之服著丈六
弊垢之衣先為五人說四諦十二因緣事六度等教

四教儀○文句云過去名根未來名性○即大而小
故云不動尊特勝應定慧莊嚴譬珍御服生身劣應

若約時則次照幽谷妙玄若約味則從乳出酪此從

十二部經出九部修多羅妙玄信解品云時長者將欲誘引其子既息大化密遣二

人隱實為密用權為遣形色憔悴修相好不無威德者

人即求窮子審知既已得之具陳上事陳說時窮子

先取其價尋與除糞取道滅其父見子愍而怪之其

彼遙見子身小去大遠羸瘦憔悴智福力少曰羸內

取阿羅漢怪其不求佛道已又於他日於窓牖中見

上並是齊教領此下為探領

彼遙見子身為迷見

八苦曰糞土塵土無四住為糞土汗穢不淨示是現好
 即脫瓔珞細軟上服隱報身戒定慧等更著粗弊垢
 膩之衣文六形為粗生法一忍為弊忍有情惱各為
 法○粗俗右手執持除糞之器治見思有漏之法語諸
 作人子親教汝等勤作好自安意我如汝父未實汝今
 已後如所生子鄰真逼聖即位時窮子雖欣此遇猶故
 自謂客作賤人任紹大二十年中常令除糞見諦一
 無導思惟九解脫九無礙此領何義此為次頓之
 後隱舍那身作比丘像說三藏教二十年中常令除
 糞得一日之價見思已斷無漏心淨妙玄
 二十年中述曰信解品二十年中中之文凡三處所

以表法各有其意初二十年中常令除糞誘譬
 諦一解脫一無礙思惟九無礙九解脫故云二十
 文句此二經二十年執作家事科委領住二乘位
 有七釋轉大乘教文三自見子來已二十年科定父有二
 乘之機而來感佛文前合二十數即是用八忍
 八智斷見合為一解脫一無導用九無導九解脫
 斷思通之為二十也後二但合二義故妙樂云斷
 見為一斷思為一輔行云約入則二乘約理則真
 俗二諦約惑則見思俱破問云二義可爾十義云
 何答二乘各有十智十智者世智中心此則前後
 三文皆見二十之義

三月八日。世尊前行。至波羅奈國鹿野園中。因果
 佛自二月八日。成道。自九日至二十九日。為寂場。
 三七滿。至三月六日。為水邊定。四七日滿。三月七
 日。受提謂長者食。然後至鹿野園。正五七日內。三
 月八日也。涅槃云。初生出家。成道轉法輪。皆以八
 日。

初為憍陳如。說四聖諦法。汝今應當知苦斷集證滅
 修道當佛三轉四諦十二行法輪。因果經。大通受請。三轉十

法行藏教聲聞人。依生滅四諦。一苦諦者。二十五有。依
 正二報。四洲。四惡趣。六欲。并梵天。別則二十五有。

摠則六道生死。二集諦者。即見思惑。見惑有八。十
 一品。三滅諦者。滅前苦集。顯偏真理。四道諦者。略
 則戒定慧廣。則三十七道品。命。為七科。一四念。前
 二諦。為世間因果。苦。果。後。二諦。為出世間因果。
道。因。此。依。四。教。儀。三轉者。示轉勸轉證轉。示謂。示其相狀。
 如云。此是苦。乃至此。是道。勸謂。勸令其修。如云。此
 是苦。汝應知。乃至此。是道。汝應修。證謂。引已證。彼
 如云。此是苦。我已知。不復更知。輪以摧碾。為義。唯
 教無行。豈能摧惑。教行相循。共能摧惑。八。妙。樂。十二
 行法輪者。有二釋。一約四諦教。謂三轉四諦。為教。
 十二。即能轉也。二約十六行。謂三轉皆生眼智明。

覺四種之行爲行十二即所轉也文句○言十六

爲眼苦法智爲智比丘忍爲明比丘

時憍陳如得法眼淨淨妙樂云豈王夫人與八萬皆

持此經而聞品得小果邪各同義殊善須地神歡喜

唱言如來今日於此轉妙法輪虛空諸天展轉唱聲

至阿迦膩吒天此云色世尊知四人心念重爲廣說

四諦亦得法眼淨時五人白佛欲求出家世尊呼彼

五人善來比丘須髮自落袈裟著身即成沙門佛復

爲說五陰無常苦空無我漏盡意解成阿羅漢於是

世間始有六阿羅漢阿羅漢爲佛寶四諦法輪爲法

寶五阿羅漢爲僧寶三寶具足是爲人天福田因果

五年中有長者子名曰邪舍聰明利根於中夜見空

中光闕門尋光趣鹿野苑佛說四諦成阿羅漢願求

出家佛言善來比丘即成沙門時邪舍父尋子佛所

佛爲說法得法眼淨受三自歸爲最初優婆塞又邪

舍朋類五十長者聞邪舍出家共詣佛所願求出家

佛言善來比丘即成沙門是時始有五十六羅漢佛

告諸比丘汝等宜各遊方教化衆生時諸比丘禮足

辭去世尊即發波羅奈趣摩竭提國日暮寄宿優樓

頻螺迦葉住處降伏火龍授三歸依置於鉢中以示

迦葉歎未曾有佛知迦葉根緣漸熟即趣尼連河側

時魔王來請入般涅槃至於三請世尊答曰所應度

者皆未究竟。魔王聞已，即還本宮。時頻螺迦葉與五百弟子願求出家。佛言：善來比丘。即成沙門。佛說四諦，漸漸乃得阿羅漢果。以事火之具，捨棄河中。時頻螺二弟一名那提，一名伽那，在河下流見兄火具逐流而下，心大驚愕。即往尋兄，見兄身披袈裟，乃各與二百五十弟子願求出家。佛呼善來比丘，即成沙門。得阿羅漢。世尊即與頻螺迦葉及千比丘往王舍城。詣頻婆娑羅王所。阿闍世王之父王與百官出城迎佛。佛為說法。王及八萬那由他婆羅門大臣人民得法眼淨。因果國有長者名曰迦陵，往詣佛所，奉上竹園。案西靈山竹園皆在王舍城旁五里可作精舍。王敕諸臣起諸堂舍迎佛。

入城俱往竹園。諸王見佛，頻婆娑羅最為其首。諸僧

伽藍竹園為始。普耀經云：案中本起經云：迦蘭陀長者

召闍叉推受尼捷驚怖馳走長者惟喜請佛至之

六年_丙佛在象頭山為龍王鬼神說法。十二經

七年_丙婆羅門舍利弗路逢婆耆比丘說偈得法眼

淨。歸與親友目犍連宣說偈言，亦得法眼淨。即各將

一百弟子往詣竹園求願出家。佛呼善來比丘。須髮

自落，袈裟被身，即成沙門。又復為彼二百弟子廣說

四諦，亦成阿羅漢。時世尊即與一千二百五十大阿

羅漢於摩竭提國廣利眾生。因果時有婆羅門名曰

迦葉，極然巨富，捨家入山，自剃須髮，空中諸天語令

見佛迦葉即趣竹園佛為說法得阿羅漢以有大威
德智慧名之為大迦葉因果迦葉於多子塔值佛乃
求出家即以弊衣奉佛為座價直十萬兩金佛即授
商那納衣納衣也。今言商那者即是。以草為衣耳。五
八年刻之佛在毗舍離國因須提那子持信出家後
還本村與其故一故者舊妻。二故者偶也。共行不淨諸比丘墮過
白佛即集眾訶責云汝所為非威儀非淨行所不應
為始制淫戒開初犯未結罪僧律
九年子戊舍衛國波斯匿王此云和悅大臣須達家君大富
喜濟貧乏孤老之人因名為給孤獨嘗往羅閱城即
舍見世尊即為說四諦法成須陀洹之如來降屈舍

衛世尊謂彼無精舍須達曰還國當立佛敕舍利弗
共往案行諸地唯太子祇陀園地祇陀此云戰勝大
故名正得其所須達白太子欲買之太子言能以黃
金布地間無空者便當相與須達使人象負金出八
十頃中須臾欲滿祇陀念言佛必上德能使斯人輕
賢如是乃今止勿出金園地屬卿樹木屬我乃自起
門羣共立精舍為佛作窻別房千二百處白王遣使
詣王舍城請佛及僧世尊放光動地至舍衛國一切
大集各得道迹以二人同立精舍號為太子祇樹給
孤獨園賢愚是年冬佛在羅閱城因檀尼迦在閑靜
處草屋坐禪為人持去乃作全成瓦羣佛令打破便

詐言王教取彼要材為王臣人民訶責無使入村勿復安止比丘以過白佛始制盜戒佛在毗舍離城為諸比丘說不淨觀習定已厭患身命歎死勸死難提比丘受願殺人願作崔俗漢書遂制殺戒時因穀貴乞食難得婆求河邊有安居者便共稱歎得上人法信心居士咸分施之後往佛所因問訶責制妄語戒自此以後隨犯隨制僧祇律時父王遙聞子得佛道已六年來令梵志優陀邪往迎佛曰別闍已來十有二年自出家至成道六年自道至今六年共十二年思欲一見優陀邪受教詣佛願求出家即得阿羅漢佛念今將還國當度父母乃先遣優陀邪往至本國現十八變王益悲喜救

群臣萬民出四十里親往迎佛佛身丈六相好光明體紫金色如星中月見諸梵志又在山中身體黑臭在佛邊侍如黑鳥在紫金山王乃勅國中豪族選五百人出為沙門侍佛左右猶如鳳凰在須彌山音羅時佛入宮坐於殿上王及臣民日日供養百種甘饌佛說經法所度無量邪輪夫人攜子羅睺羅來請問訊時年六歲時王僚屬咸疑太子去國十有二年何從生子佛告群僚曰邪輪守節無瑕今當見證於是世尊悉化眾僧皆使如佛邪輪即以指印信環與羅睺羅言是汝父者以此與之羅睺羅應時直以印環而授世尊王及群臣皆言善哉真佛子也音羅時阿那律調達

難陀跋提難提等八人釋子出家之日脫寶衣付優
波離曰汝依我等以自存活今以此衣與汝貧生優
波離亦願出家即以寶衣懸之樹上共至佛所那律
乞先度波離以除憍慢曇無德律難陀次第作禮至波離
前念不當禮佛言但以受戒前後不在貴賤大莊嚴論○難
提是王子為貴波離是臣僕為賤佛語提婆達多即謂汝宜在家分
擅惠施不宜出家如是再三提婆便生惡念此沙門
妬心我宜自剃頭善修梵行後犯五逆有大光風繞
提婆身便發悔心稱南無佛適稱南無便入地獄佛
語阿難提婆在地獄經一大劫命終生四天王展轉
生他化自在最後受身成辟支佛名曰南無增一阿舍經○阿

此言提婆出家始事後犯五逆乃是後事相帶而言皆是小乘經意若法華中佛言我因提婆達多善知識故令我疾成大乘開迹顯本之意是年說殃掘摩羅王佛者此即大未開迹顯本之意是年說殃掘摩羅經妙玄云成道六年後說

十年巳佛於拘邪尼國為婆陀和菩薩等八人說般舟經明苦行事遊十二

十一年庚寅阿難年八歲出家之日得白四羯磨具足三羯磨通前單白故云白四度一百十阿羅漢受

三語戒始以寶刀剪剃須髮又囑憍陳如等徧三天下為諸沙彌授戒律僧祇是年佛於柳山為純真陀羅

王弟說法遊十二十二年辛卯佛遣目連白父王及邪輸曰太子羅睺年

已九歲應令出家。邪輸答曰：如來為太子時，娶我為妻，未滿三年，逃至山澤，勤苦六年，得佛還國。今復欲求我子，何酷如之？還如毗羅國也時目連方便喻曉，絕無聽意。世尊即遣化人空中告曰：汝頗憶以五百銀錢買五莖蓮華，上定光佛時，汝求我，世世為妻。我言菩薩屢劫行願，一切布施，不逆人意。汝能爾者，聽我為妻。汝立誓言，隨君施與，誓無悔心。而今何故愛惜羅睺，不令出家？邪輸聞已，還識宿命，如昨所見愛子之情，自然消歇。捉羅睺手，付囑目連。時淨飯王即集國中豪族，各遣一子，隨從我孫，有五十人。往到佛所，使阿難與其剃頭，及五十諸王公子，命舍利弗為其和上。

目連為阿闍梨，羅睺不樂聽法。佛為說未曾有因緣，得受十戒，即證四果。夫曾有因緣經淨飯王詣佛，白曰：佛昔出家，尚有難陀。今難陀已復出家，餘情所寄，唯在此子。今當出家，國計亦絕。佛即為王說法開慰，復集諸比丘，立制：父母不聽，不許出家。彌沙塞律佛往穢澤，為陀掘摩說法。十二經佛為諸比丘說八關齋戒。八關齋戒經佛在羅閱城，有十七群童子。大者年十七，小者十二。以信出家。比丘即度受大戒，不堪一食。夜啼，佛覺問知。制年滿二十，應受大戒。四分律佛半月說戒，眾集疲勞，許僧伽藍各結大界。四分律

十三年壬辰佛還摩竭提國，為弗迦沙王說法。十二經樓

至菩薩請立戒壇為比丘受戒佛令於祇園外院東
 南建立律四分戒壇從地而立三重為相以表三空帝
 釋又加覆盆以覆舍利大梵王以無價寶珠置覆
 盆上是為五重表五分法身梵王寶珠大如五斗瓶
 大福德者見之光照八百由旬薄福者見之如聚墨

南山戒壇圖經

十四年癸巳佛往恐懼樹下為彌勒菩薩說本起經二十

經

十五年甲佛再還迦毗羅國為父王說法度釋種八
 萬四千人得須陀洹果十二遊經佛還本土足升空行與
 人頭齊使父王接足而已不發屈身此分別功德經○

敬為生福之益然在佛則可若未代此佛為父王大

立為行稍薄恐未可以受父母之致敬
 眾說觀佛三昧佛身金色光明無量時五百釋子以
 罪障故見佛色身猶如灰色羸婆羅門佛為說往昔
 邪見之罪令稱佛名作禮懺悔即見佛身金色如須
 彌山求佛出家得阿羅漢觀佛三昧經初佛還國大愛道
 求出家佛姨母摩訶波闍波提也再三不許佛再還國復求出家
 如前不許阿難白佛大愛道至心欲受法律願佛聽
 之佛令盡形壽行八敬法時大愛道得出家為比丘
 尼始中本起經比丘尼受八敬法一者百歲比丘尼禮初
 夏比丘足二者不得罵謗比丘三者不得舉比丘過
 比丘得說尼過四式又摩那應從眾僧求受大戒五

者尼犯僧殘應半月在二部僧中行摩那堪六者尼半月內
 當於僧中求教授人七者不應在無比丘處坐夏安居八者尼
 夏末當詣僧中求自恣人四分律佛告阿難我滅度後正法一
 千年由女人出家減五百年後為說八敬法還得二千年善見論法住記
 述曰如來在十六大國於十二年中行化度人說
 四阿含等經及七佛略教誡至是年始說廣戒即
 比丘二百五十戒尼五百戒由夫二眾隨犯隨制
 而佛於後時結集條章以為出家者持奉之本耳
 第三方等時者示一佛土令淨穢不同示現一身巨
 細各異一音說法隨類各解神力不共故見有淨穢
 聞有褒貶嗅有瞻匐不瞻匐華有著身不著身慧有

若干不若干此如淨名方等女一○補注若干當作
 無次說方等者即是次小說大佛本授天衆生不堪
 故抽大出小令斷結成聖雖有此益非佛本懷次說
 方等維摩思益殃掘摩羅現現婆羅門子年十二一切世間
 人相具足第一對佛說偈佛言善哉即成沙門稽首
 佛足成阿羅漢釋梵四王十弟子文殊等皆被訶斥
 佛云南方有國名一切寶莊嚴有佛名大精進即殃
 掘摩羅是也妙女十二云殃掘之經六年所說○此經
 說在成道後六年今大師引彈訶小乘保果之癖在
 證第三時教以故及此耳
 聞譏刺三藏斷滅之非兼於鉢故身子善吉齊教專
 小初不聞大乘威德善吉茫然失鉢淨名經云須善
 維摩詰取鉢盛滿飯謂我言若能於食等者諸法
 亦等諸法等等者於食亦等如是行乞乃可取食諸法
 佛毀於法不入衆數終不得滅度故若如是乃可取
 食時我世尊聞此茫然不識是何言不知以何答便

置其舍。身子怖畏。卻華維摩詰室有一天女。謂舍利弗曰。結習未盡。華著身耳。結習盡者。華不著也。不知是何言。不知以何答。入道之主。故寄

此二。然方等彈訶教在三藏之後。被訶之時。應在十

二年前。以前也。舊云。中者。應是誤。何以得知。皆追述昔

訶。驗是前事。何者。前已稟教得道。證於無學。荷佛恩

深。心相體信。不復恚怒。自昔至今。恣殃掘之譏。任淨

名之。折得為。取小慕大之益。玄彈偏折小。歎大褒圓。

玄十。○彈偏。如淨名。菩薩品。謂彌勒云。世尊。授仁者。記。為用何生。授記乎。過去。未來。現在。邪。又云。一

切。眾生。即菩提。相。若彌勒。彼度者。一切眾生。亦當。又云。菩提者。不可以身得。不可以心得。又殃掘經云。

殃掘。阿羅漢。偏折。文殊十弟子。釋梵四王。是為以圓。彈三教之偏。○折小。如弟子品。日蓮為居士。說法。淨

名。謂云。夫說法者。當如法說。無有各字。言語。斷故。法。無有說。離覺觀。故。是用。衍開三教。破目。連三。不當。

者外。如法相說。內。如法相解。是用。通教。即空。斥。不。即

空。說法。不當。理。二者。外。解。根。緣。內。善。知。見。得。無。畢。礙

是用。別。破。二。者。外。慈。念。眾。生。內。念。報。佛。恩。是用。圓。破

又。殃。掘。斥。十。弟子。是。為。以。衍。門。三。教。之。大。折。藏。之。小

○。歎。大。如。眾。生。品。譬。如。幻。師。見。所。幻。人。菩。薩。觀。眾。生。

為。若。此。也。如。智。者。見。水。中。月。鏡。中。象。熱。時。談。苦。薩。觀

眾。生。為。若。此。也。今。通。譬。眾。生。者。即。通。圓。二。教。意。○。褒

圓。文。殊。白。佛。云。彼。上。人。者。難。為。酬。對。深。達。實。相。善。說

法。要。此。褒。淨。名。也。文。殊。入。淨。名。室。淨。名。曰。善。來。四。教

文。殊。不。來。相。而。來。不。見。相。而。見。此。褒。文。殊。也。善。來。四。教

俱。說。藏。為。半。字。通。別。圓。為。滿。字。對。半。說。滿。故。言。對。教

濕。槃。經。云。譬。如。長。者。唯。有。一。子。心。常。愛。念。晝。夜。殷。勤

但。教。半。字。不。教。備。字。良。由。其。子。力。未。堪。故。半。是。小。乘

九。部。滿。是。大。乘。十。二。部。約。人。約。理。比。說。可。知

若。約。時。則。食。時。辰。時。從。平。也。若。約。味。則。從。酪。出。生。酥。此。從。修。多。羅。出。方。等。經。一。玄

信。解。品。云。過。是。以。後。心。相。體。信。入。出。無。難。者。互。相。信

也。謂於三藏得涅槃。價此既不虛。今為菩薩說此。大乘亦復非虛。此即子信父也。佛知此等見思已斷。聞必不謗。無漏根利。聞微生信。此即父信子也。由此見尊特身。聞大乘教。名之為入。復被訶折。猶見文六。說小乘法。名之為出。大。然其所止。猶在本處。雖入出無難。謂是菩薩之事。非已。智分不肯。迴小。向大。猶居羅漢。不言未來當得作佛。此領何義。明三藏之後。次說方等。已得道果。心相體信。聞大名入。住小名出。苦言彈訶。名無難。又進至宅內。見群臣豪族。大功德力。故名為入。出者。止宿草菴。二乘境界。故名為出。心相體信者。得羅漢已。聞罵不嗔。內心慚愧。不敢以聲聞支佛法化入也。女十。淨名經云。阿難曰。烏呼深。自責云。何而自欺。此取小也。不知當云。何得佛無上慧。此慕大也。方等部教立名。舊說方等立名。但分事理。未足以

盡其義。今依經疏記文。以為之委釋。光明經云。有一比丘。讀誦大乘方等經典。光明玄云。方等之教。通於三乘。新本經云。欲生入天。欲得四果。支佛欲得佛。皆應懺悔。滅除罪障。安處方等。續遺記云。方等之名。有二義。若大經從酪出生酥。譬修多羅。出方等典。此約第三時。名方等。即被三乘四教。機若普賢觀。稱方等者。乃直明圓理。今所引方等。恐謂同普賢觀。從理立稱。故引三乘懺悔之文。以定此名的。從部教方等不專事理。諸文論方等。有三說。一者從事。大經從修多羅。出方等。無量義經次說方等。釋籤生

酥調斤方等光明經讀誦大乘方等光明玄方等
之教通於三乘此皆指第三時教二者從理普賢
觀經此方等經是諸佛眼三事理並通止觀云般
若有四種方法謂四門入清涼池即方也所契之
理平等大慧即等也今第三時準四明立義的從
部教以定此名故不專於事理也

十六年^{主部}佛在毗耶離城菴羅樹園說維摩詰經
此云廣博嚴淨菴羅樹園說維摩詰經

十七年^{主部}佛說思益梵天所問經
經云東方有佛號

天名曰思益

十八年^{主部}佛在南海濱楞伽山頂說楞伽阿跋多羅
寶經大慧菩薩問世尊言外道尚遮不許食肉何況
如來大悲含育而許自他食肉邪佛答菩薩有無
量因緣不應食肉謂一切眾生從本以來展轉因緣
常為六親以親故不應食肉不淨氣分所生長故不
應食肉眾生聞氣悉生怖畏如旃陀羅不應食肉令
諸呪術不成故不應食肉
案華嚴論云楞伽山遊空
羅刹所居此云不可往唯
神通者能到阿跋多羅此云遊入謂佛大衆度海彼
岸受夜又玉請外空而往○籤云若大乘中梵網已
制今猶作此說當知楞伽在四舍之後為漸制又說
之衆佛答菩薩不應食肉故知仍存小教中開

金光明經楞嚴三昧經
楞嚴此云健相分別知諸三
昧行相多少淺深如大將知
諸兵力多少

勝鬘夫人經
便大方廣經籤云勝鬘是

末利夫人女未利及王既信佛已必書與女女對使
者而說偈言仰惟佛世尊普為衆生出亦應愍我等
速來至此處即發此念時佛於空中現文說偈云如
來妙色身世間無與等無比不思議是故今信禮云
云○未利是奈欄
生女波斯匿王王記

十九年戊戌佛成道始十六年知諸菩薩任持法藏於
妙色天二界中間出大寶階廣集十方諸佛菩薩大
衆俱登寶階上升虛空為說大方等大集經諸菩薩
欲來入會各隨其德先現其相空藏現空海藏現水
並不見有大衆唯見空水餘菩薩現相者皆類此時諸天龍作
如是言我等從今以往護持正法若諸國王鞭打出
家持戒毀戒者我等不復護持其國聲聞弟子悉向
他國使其國土空無福田令其國土疾疫饑饉刀兵

俱起風雨亢旱傷害苗稼爾時世尊付囑毗首羯磨
天子迦毗羅夜又大將雙瞳目十七天女各及五千
眷屬汝等護持振且國土於彼所有鬪諍言訟兩陳
交戰饑饉疫病風雨寒熱悉令休息令我法眼得久
住世佛告彌勒諸菩薩我今憐愍諸衆生故以此報
果分作三分一分自受一分與我滅後禪解脫三昧
堅固相應聲聞令無所乏一分與彼破戒誦經聲聞
正法像法剃頭著袈裟者令無所乏勿令惡王共相
惱害復以彼諸施主寄付汝等大集經○案佛藏經當一心行道勿念衣
食如來白毫相中一分供諸末佛言若有出家設不
持戒彼人已為涅槃印之所印若有打罵若奪衣鉢

資生具者是人則壞諸佛報身挑一切人天眼目國王群臣諸斷事者如見出家作大罪業大殺大盜大汗梵行大妄語及餘不善但擯出國不聽在寺同僧事業不得鞭打罵辱加其身罪若故違法謫罰者是人遠離人天必歸地獄何況鞭打出家具足持戒者

大集經

舍利弗等白佛言我等雖獲稱為佛子皆是如來之咎非我等過何者若使如來誓無三乘我等豈不成於正覺何為如來而不見聽在於聖例時身子等脫衣悲泣大千震動

經 瓔珞

述曰瓔珞言舍利弗被訶之後心漸向太然猶有

怨佛之言以為若無三乘則我等已成正覺皆如來咎非我等過遠至法華法說周則云我等同入法性云何如來以小乘法而見濟度是我等咎非世尊也是知瓔珞不解方便則咎佛法華已入法性則咎已

佛在祇洹精舍時波斯匿王為其父王諱日營齋請佛宮掖城中復有長者居士同時飯僧作佛來應佛勅文殊分領菩薩及阿羅漢應諸齋主唯有阿難遠遊未還不預僧次途中獨歸其日無供即持應器入城循乞遭摩登伽女以先梵天咒攝入娑室如來知彼娑術所加齋畢旋歸頂放百寶光明千葉寶蓮有

化佛跌坐宣說神咒，勅文殊師利將咒往護提獎阿難及摩登伽，來歸佛所。阿難見佛頂禮悲泣，恨無始來一向多聞，未全道力。殷勤啟請十方如來得成菩提，最初方便，佛為阿難說法。名大佛頂首楞嚴經。錄云：智者聞天竺有首楞嚴經，每祈願早至此土。

述曰：一化終窮在乎開顯，開顯之妙功歸法華。餘諸經有圓說者，皆方等四教並談之義，而孤山乃欲以楞嚴同法華醍醐之味，是不思方等收經而有失法華淳一無雜之旨也。

述曰：佛說方等經典至此凡八年，今但列當道諸經以見四教並談之義。

第四般若時者，大人蒙其光用，嬰兒喪其精明。故文云：但為菩薩演其實事，而不為我說。斯真要雖三人俱學，二人取證，具如大品。支一籤云：菩薩蒙般若光，見若視日輪，令眼失光，以無明全。在義之如喪女，曰嬰兒，曰見。次說摩訶般若華嚴海空歷劫修行者，此是方等之後而明大品。大品或說無常無我，或說於空，或說不生不滅，皆歷色心至一切種智，句句迴轉，明修行法。又百千比丘萬億人天得須陀洹及阿羅漢，住辟支佛者，驗是共般若也。而言華嚴海空者，籤云：而言下明不共般若，共二乘，依法性論，鈍根菩薩三處入法界，初般若次法華後涅槃，因聞般若入法界，即是華嚴海空。五十次

說般若轉教付財融通淘汰集解正此般若中不說
藏教帶通別一正說圓教須善提解空舍利弗智慧
佛以般若空慧之法加彼二人轉為諸菩薩說諸法
空莫不清淨以此之後轉度於他經云我等雖為諸
佛子等說苦薩法而無希取故云轉教付財者世間
長者七寶為財出此法王般若為財若約佛意以此
般若加彼二人即是付財其如二乘但謂加說故大
品云豈聲聞人敢有所說有所說者皆佛力耳若約
化意但是領知家業密成別益至法華時方得名為
付財故經云吾今所有皆是子有融通者般若會一
切法悉摩訶衍乃是三教融通之法非謂圓融之融
如籤云若以圓在三及以圓在藏即圓融為圓或以
三教斥藏即融通為融淘汰者大論云澄洗也○籤
以空慧水澆漸滴擇說文術滴音析簡洗米也○云
方等彈詞共義稍疎今此般若正當共部輔行云旁
用通教正用別圓加於二乘密成別益又籤云前於
方等義已成通故至般若唯須此二明不共者說部
意也意雖不共然猶有方等新受小者至此須通亦
有衍門旁得小者是故兼用○今約偏圓對論故云
帶二說圓若仁王般若說四無常偈勸普明王捨國

明者義似三藏彼
助道非可正意

若約特則禺中籤一○禺亦作隅已時日景將中而
向在邊隅故曰禺中又陰陽家謂寅

申巳亥為四隅若約味則從生酥出熟酥此從方等出般若

玄籤

信解品云時長者有疾自知將死不久文句機應為

化機將畢語窮子言我今多有金銀珍寶約則非多

應謝非久故言多耳金喻別教理別在菩薩即不共般若別圓

二教所詮理也銀喻通教理與二乘同證即共般若

出此二珍寶者明一切法門不倉庫盈溢其中多少所

應取與汝悉知之倉是定門即百八三昧庫是慧門

包藏一切禪定智慧內充外溢菩薩行般若應窮子
知廣畧二門故云多少自行為取化他為與窮子
受教領知衆物而無希取一餐之意善吉雖說般若

然其所止故在本處猶居此領何義此從方等後次說般若般若觀慧即是家業歷於名色乃至種智即是衆物善吉等轉教即是領短但為菩薩說不自行證故無希取支十

二十四年癸卯佛於靈鷲峯給孤獨園他化自在天宮

竹林園四處十六會說大般若沙羅蜜經鷲峯在摩

舍城五里竹園在城旁給孤園在舍衛國並中印土境

○四處十六會圖

第一會鷲峯山說四百卷七十九品單譯

大品放光光讚 第二會鷲峯山七十八卷八十五品重譯

第三會鷲峯山五十九卷三十一品單譯

小品道行新道行大明度

第四會鷲峯山說十八卷二十九品重譯

第五會鷲峯山說十卷二十四品單譯

第六會鷲峯山說八卷十七品重譯

勝天王 第七會給孤獨園說二卷無品重譯

第八會給孤獨園說一卷單譯

文殊 第九會給孤獨園說一卷重譯

第十會他化天宮說一卷單譯

第十一會給孤獨園說五卷單譯

第十二會給孤獨園說戒五卷單譯

第十三會給孤獨園說忍一卷單譯

第十四會給孤獨園說勤二卷單譯

十五會鷲峯山說定二卷單譯
十六會竹林園說慧八卷單譯

大品般若四十卷案藏經目錄云摩訶般若三十卷光讚般若十卷龍樹用此本作智度論百卷智者依此論作疏二十卷今在高麗未至若放光金剛等十經皆是晉宋間譯至唐奘法師始譯出大般若經六百卷當知前十經皆重譯之文智者諸部文所引正大品中義是晉羅什譯在唐譯大般若之前也

述曰四教儀所列般若諸經名摠別重出難於分別今但摠標大般若經云若大品小品天王文殊金剛十經皆大般若中重譯別行之文今故不列蓋摩訶即是小品又釋籤云古判般若有五時一摩訶二金剛三天王四光讚五仁王此未可用光讚祇是大品上帙案此則又知光讚不當重出也此未用之言乃是荆溪摠欲古師五時之失

- 二十五年 辰甲
- 二十六年 巳乙
- 二十七年 午丙
- 二十八年 未丁
- 二十九年 申戊
- 三十年 酉巳

三十一年 庚戌

三十二年 辛亥

三十三年 壬子 佛在王舍城耆闍崛山中為舍衛國波

斯匿王說般若波羅蜜十四正行復囑王曰當國土

欲亂賊來侵國日月星變大火大水五穀不登大風

亢旱應請百法師數百高座一日二時誦讀此經今時

早晚兩誦百部鬼神樂聞此經護汝國土萬姓安樂

帝王歡喜若王行時置經七寶案上居前足一百步

若王住時置七寶帳座日日供養如事父母時十六

大國王聞法歡喜即以國事付弟出家修道證一切

行般若波羅蜜仁王問般若經○我說摩訶般若波羅蜜

知般若若在方等後亦知仁王在大品後○長阿含經
十六大國者舍衛國摩竭國波羅奈國毗舍離國
迦毗羅衛國拘尸那國憍薩羅國罽賓國鳩留國佛
羅乾國乾陀衛國沙陀國僧伽羅國健特國提闍國
波提國

三十四年 癸丑 佛成道已過三十年住王舍城告諸比

丘誰能為我受持十二部經供養左右時憍陳如白

言我能供給佛言汝已朽邁云何為我給使乃至五

百阿羅漢皆悉不受自連入定見如來心在阿難如

日初出光照西壁語憍陳如陳如語阿難曰汝今當

為如來給使阿難言願如來與我三願一者不受如

來故衣二者不隨如來受別請三者聽我出入無時

佛言善哉具足智慧預見譏嫌何以故若有人言汝

為衣食奉給如來是故不受故衣不隨別請出入有時則不能廣利四部故求出入無時我為阿難開是三事經 涅槃

述曰涅槃經云佛告文殊吾弟阿難給事我來二十餘年又後分經云阿難偈曰我為侍者二十載故知此年始為侍者文句云阿難侍佛時年二十五佛年五十五侍佛得二十五年未知出何經

三十五年甲寅
三十六年乙卯
三十七年丙辰
三十八年丁巳

三十九年戊午

四十年未

四十一年庚申

四十二年辛酉佛赴王舍城食訖舍羅云洗滌失手撲鉢以為五片佛言我滅後百年諸比丘分毗尼藏以為五部其後百年趨多尊者有五弟子各執一見曇

無德部法名四分此云法密薩婆多部法名十誦此云一切有

迦葉遺部法名五分此云重空沙彌塞部法名五分此云不著

有無觀下婆蹉富羅部律本不來觀下此五部律皆以僧祇律為根本

四十三年戌

四十四年癸亥

四十五年甲子

述曰佛說般若諸經至此凡二十二年

第三秘密教者如來於法得最自在若智若機若時

若處三密四門無妨無礙智謂大聖權謀機謂不同次第不擇時處身口意密

隨何四門無礙此座說頓十方說漸說不定十方說

頓此座說漸說不定此座不關十方十方不關此座

十方此座相對或俱頓俱漸俱不定依義文義加三俱字亦應作十方此座相對

各不相知於此是顯於彼是密此即人不相見法不共聞互不相知得益

定此約此座十方相對或為一人說頓或為多人說漸說不定或謂一人說漸或為多人說頓或俱漸

俱頓俱不定如前義各不相知互為顯密此是人相見法共聞

互不相知得益不定此約一人多人相對或

一座默十方說十方默一座說或俱默俱說各不相

知互為顯密此約此座十方說默相對或

且寄三法說出其相或

秘密得名玄云顯露不定秘密不定或

密須安顯露云由前四味有一類機顯露不解宜

秘密入是故如來不思議力隱覆密說要令眾生

互不相知得漸頓益耳

秘密立體義釋玄文云身口意密隨何四門無礙

又籤云以秘密不出此七逸堂以三密四門以當

體體真中二理為所依體石坡以七教為所用體雖皆有憑要必以七教為義足

秘密文證此有二義一者義蓋經論妙玄引涅槃

經迦葉菩薩設三十六問如來讚云我初成佛亦

有菩薩來問斯義所問句義功德亦皆在是此佛親宣

又般若經諸天子唱言我見閻浮提第二法輪轉

今轉似初轉此諸天教出二者名出龍樹大論釋般若

經云諸佛法輪有二種一者顯二者密初轉聲聞

見八萬一人此顯露不定教諸菩薩見無量阿僧祇人得

無生忍此秘密不定教

秘密不傳文句云秘密者隱而不傳記云降佛已

還非所述故尚非阿難能受豈弘教者所量阿難

非不傳秘赴機之密非所傳耳故秘密不用全提

顯露是故傳秘祇名傳顯諸師皆云上聖赴機之

密互不相知故不可傳若涅槃中如來親宣般若

中天子唱出皆結集為文還成顯露故可傳耳

秘密橫被云秘密橫被無時不徧云豈於法華

有秘密邪須知顯露豎論雖在四時而有華嚴鹿

苑大小之隔若秘密橫論則隱顯在機無時不徧

徧前四時非徧法華時也又籤云五味則一箇堅

進皆有半滿秘密不定此釋玄文破南師但用五

味但得此師徧用半滿其實今家以五味成半滿

半滿成五味故云味味皆有半滿秘密不定此相
成釋義一往如此非謂法華中有前四味秘密不
定也故玄文云權實俱遊如鳥二翼雖復俱遊五
半滿俱用行藏得所五味半滿相成謂之行謂相成法
華醍醐滿字也惟備四味半滿謂
之藏謂不至法
華醍醐滿字也

法華非秘密是秘密玄文法華是顯露非秘密又
云法華是秘密般若非秘密藏云前是顯非密者
謂非覆隱之密如前教有二乘發心不令未發心
者知是故覆密今望般若為密者此是秘妙之密
般若中無法華為勝又玄云般若不明二乘作佛
故非秘密又玄引大論餘經非秘密法華秘密藏

云非八教中之秘密但是前所未說為秘開已無
外復為秘即四一餘

秘密三義藏云須知秘密語同意別云今列諸文
具出三義一者真秘玄云法華是秘密藏云是秘
妙之密一者隱秘自有佛弟子二義玄引經云四
十餘年秘而不說此昔所未說約如來為秘也妙
樂云三周之中自論秘者法說周時密聞大車此
謂上周根利頽了辭喻因緣之事對中下未悟名
之為密此密有所聞約弟子為秘也三者秘密即
妙玄所立秘密教如來隱密赴機互不相知者藏
云是隱密之密

第四不定教者由前四味機發不定聞大證小聞小
證大於漸說中得頓益於頓說中得漸益此有部教
二義分別初約部堅論者雖高山頓說不動寂場而
遊化鹿苑者此處不定籤云此不動不離而外而遊
說四諦生滅而不妨不生不滅漸化而不不起於頓
味既然諸雖為菩薩說佛境界而有二乘智斷雖五
人證果不妨八萬諸天獲無生忍此不定當知即頓而
漸於頓得即漸而頓於漸得頓益籤云雖為菩薩指
漸得漸得如常所明雖五人證果不妨八萬諸天獲
無生忍此重指漸初對般若為說前文約法此中約
證法不定次約教橫論者乳中得別圓相對以辨
不定酪中教門雖無二別乃與八萬一人對辨生酥

熟酥三四對辨般若帶通別圓為三故知不定約部
編前四時並妙玄

不定得名玄文南北地通用三種教相一頓二漸
三不定又古師立偏方不定謂非次第別為一緣
如金光明勝鬘等是也云知不定之名出於古師
天台更加秘密為四教於義方足
不定示體止觀妙玄四教儀引淨名經佛以一音
演說法衆生隨類各得解此證不定今諸師以一
音為當體體真中二理為所依體一音之義通大
小乘備在集解
不定文證玄引大經或時說深或時說淺應問即
遮應遮即問其籤應問謂開其問端應遮謂置玄引

大經置毒乳中乃至醍醐皆能殺人云止觀引淨
 名經佛以一音衆生各解或有恐怖果或歡喜人
 或生厭離對或斷疑第一義斯如來神力不共法云
 籤引大論初轉八萬得無生忍陳如得初果此皆
 證不定教也

置毒不定玄引涅槃五味譬四教位前三教教位皆成五味備
 在玄故知前三教五味皆粗圓教一味皆妙有人應
 皆妙五味經云譬如有入置毒乳中則能殺人乃至
 醍醐亦能殺人此譬兩用一通約漸頓明不定教
 處麳皆得見佛性二約行不定行人心行譬之如
 乳實相譬之以毒此毒有殞命之能此智有破無

明之力久遠劫來說實相毒置於九夫心乳毒慧
 開發不可為定或於初味發或於後味發不得次
 第往判故言置毒乳中乃至醍醐徧五味中悉有
 殺義云若圓教中發者始聞經即破無明見佛性
 是乳中殺人六根清淨去是酪生酥熟酥等殺人
 若初住去是醍醐殺人玄文先列前三教隨何位
 人乃至醍醐殺人中密見中道即是乳中殺
 五味喻五道以一毒置衆生心乳中隨於五道受
 身之毒毒性不失毒發性顯之時無局何身若天
 道得發即醍醐中發義既不定故於不定教明
 ○一音不定輔行引起信論云圓音一演異類等解
 又如如來八十好中一音能報衆聲殊方異類莫
 不獲益如來本非一切音辭而能徧赴一切音辭

並與此不定義同。籤引華嚴云：佛以一妙音周徧十方國，衆聲悉具足。法雨等，充徧又大論云：欲得一音徧十方，當學般若。此等皆大毗曇論云：佛為四王作聖語，說四諦二解二不解。梵天又作毗陀羅語，說四諦一解一不解。又作梨車語，說四諦四王俱解。以此四王各念不同，故佛三說以起彼念。

○揔釋秘密不定。籤引大論：諸佛有二法輪。一者顯，二者密。初轉聲聞，見八萬諸天得無生忍，陳如得初果。定於家不諸菩薩見無量阿僧祇人得無生忍，乃至十地。一生補處，是名為密。今家秘籤云：玄引大經，或時說深，或時說淺，等名不定者，以由彼此

互相知，故若秘密者，即互不相知。不定與秘密並皆不出同聽異聞。同稟如來一音之教，故曰同聽。不相知，互不相知，故曰異聞。

又籤云：不定與秘密，但有互知，定互不相知。密以辨兩異。

揔釋顯密有定不定四台

一、顯露定教，人相見法，共聞互相知，得益定。玄云：如前分別，但約顯露明漸頓五味之相。籤云：通論顯露俱攝漸頓。二、顯露不定教，人相見法，共聞互相知，得益不定。玄云：一時一說一念之中，備有不定。此乃顯露不定。三、秘密定教，自分二。自有入不相見法，不共聞互不相知，得益定。此在十方對論自有入

相見法共聞互不相知得益定一人對論四秘密不定教自分二自有一人不相見法不共聞互不相知得益不定此座十方對論自有一人相見法共聞互不相知得益不定一人對論今之秘密及不定二教但是秘密不定教顯露不定教玄云今法華是顯露非秘密是漸頓非漸漸是合非不合是醍醐非四味是定非不定

第五法華涅槃時

迷曰玄云今佛靈山八年說法涅槃臨滅則已同在八年此時同也玄云法華大王簪涅槃醍醐此味同也又玄云二經教意起盡是同此開顯同也

四教儀引涅槃云從摩訶般若出大涅槃故合法華為第五時也

言法華者日光普照高下均平若低頭若小音若散亂若微善皆成佛道籤云葱結散亂小微之類無不開之以成佛因不令有人獨得滅度皆以如來滅度而滅度之具如今經良以妙法難解假喻易彰為蓮故華喻為實施權雖復施權本為於實文云雖示種種道其實為佛乘別教教道人五時八教華開蓮現喻開權顯實文云開方便門示真實相指實為權權掩於實各方便門開今指權為實實於權見實各方使門開示謂指示示其見道之華落蓮成喻廢權立實文云正直捨方便但說無上道捨是廢之別名開已俱實無權可論義當於廢權轉為實所廢體亡若留還後錄復屬於

施非此中意○已又蓮辟於本華辟於迹從本垂迹
上迹門三譬之文
迹依於本迹不孤立文云我實成佛久遠若斯初明本
但教化衆生作如是說我少出家得三菩提垂迹又
華敷譬開迹蓮現辟顯本文云一切世間皆謂今始
得道初迷迹我實成佛那由他劫正明又華落譬廢迹
蓮成辟立本文云諸佛如來法皆如是引為度衆生
皆實不虛正明廢迹廢已無迹故云皆實實祇是本
法非此妙法無以取喻於蓮華部之又為蓮故華
旨不出本迹○已上本門三譬之文
華實具足可喻即實而權為蓮故華華掩於實為實
華開蓮現可喻即權而實機熟須開彼能覆情希
名之為開開何華落蓮成蓮成亦落可喻非權非實
所開即彼能覆

華落譬非權蓮成譬非實開已即廢時無異途開教
行人理同理故故實立已同真三德故知三德不
實權 如是等種種義使故以蓮華喻於妙法玄一
言開權顯實者開前頓漸會入非頓非漸集解云開
三時之漸四時三教咸為所開不同華嚴尊經故云
頓不同三時次第故非漸今經開頓無不成佛故云
會入非頓言權實者名通今昔義意不同前三教權實
頓非漸言權實不二權即是實實外無權此義不同昔
經權實隨順機宜悉檀逗會而已今經為實施權意
在於實開權顯實意謂法華已前權實不同大小相
隔華嚴大隔於小鹿苑小隔於大方等同座如華嚴
時一權一實權別實圓各不相即且所以者何初頓
部一麤一妙一妙則與法華無二無別若是一麤須
待法華開會廢了方始稱妙是同一麤方妙若點前

備異見次鹿苑但麤無妙但藏教一方等三麤一妙藏通
融即妙般若二麤一妙通列二鹿苑此妙來至法華會
上揔開會廢前四味麤開前四味麤會前四味麤廢
開會令成一乘妙教行差別之麤至今法華咸皆微
妙別行記云為實施權開權顯實會權歸實廢諸味
權立實此之權實餘部未無此今時義意也
圓教更不須開本自圓融不待開也在昔圓頓不開
普賢普眼三無差別大集深淨一切融通淨名不思
議毛孔含納思益網明無非法界般若諸法混同無
二此等圓妙與今法華佛之知見但見部內兼但對
帶故不及法華淳一無雜獨得妙名良有以也華嚴於
行布差別鹿苑但一滅之麤方等大乘對三藏半
般若所帶通別方等此等四味不及法華純一佛乘
其義如此故文云十方佛土中唯有一乘法無二亦

無三唯有圓妙一乘無通教半滿相對之二無三藏
諸佛章此文句偈見肉正直捨方便但說無上道方便
獨談佛慧於諸世間為無有上大直道也此但為菩
薩不為小乘昔日方便謂化小乘今時開顯實是善
已子開顯小乘作佛故云不為小乘菩薩上求下化
因必至果故云但為菩薩此約義引文以證人一若
揔諸佛章偈則是法住法位世間相常住眾生正覺
云但教化菩薩是法住法位世間相常住眾生正覺
惡不出如皆以如為位也出世正覺以如為位亦以
如為相世間眾生亦復如是世間相既常住豈非理
一此見文句云云記云相可表職位可久居眾生正
覺相位無二顯迷即理理即常住佛已契常眾生理
是○未來佛時人未得法華妙旨但見部內有三車
窮子化城等譬乃謂不及餘經蓋不知重舉前四時
權獨顯大車但付家業唯至寶所故致誅謗之咎上

並四教儀○妙旨者迹門三周開顯之妙初法說周
重舉四時之權會三歸一身子上根得記是也次
說周明三車一車譬前法說四大弟子設窮子喻
得家業中根信解作佛是也三因緣周明十六王子
下種中間調停今得授記有化城寶所之喻下根千
二下聲聞等獲益是也人不見之故致謬謗如法涼
師李長者等不知也

若約時則日輪當午罄無側影法華開顯三乘九界皆悟入譬如日輪

正午無影不明是則先照高山寅時也次照幽谷卯
時也次照平地辰時也禹中巳時也宋嚴觀二法師
與太史何承天論中邊之國依周禮用一尺五寸土
圭立八尺之表夏至午時以測日景猶有餘陰知此
方非中國也天竺此時無餘陰知為中國也地上可
數天上萬里言側影者餘陰也數古作景晉葛洪
字苑始改作數尚書惟數響蓋是後人不識改
從數字習者陳隋人在晉後用數字無可疑

若約味則從熟酥出醍醐此從摩訶般若出法華玄

○法華經但云般若出醍醐今玄文云味法華者以一經同味故義立此說

信解品云復經小時去法華父知子意漸以通泰無機

成就大志即發自鄙先心欲求臨欲終時化錄而

命其子受化之徒非會親族十方捨吾逃走背此大

業即自宣言此是我子從我受學捨吾逃走乘道入

生五十餘年備趣昔在本城懷憂推覓自昔法身地

觀見可忽於此間遇會得之始於今日此實我子我

實其父我實曾於二萬億佛所常教今我所有一切

財物大乘萬行萬德皆是子有指昔日出納是子所知

共法此正付家業時窮子聞父此言即大歡喜而作

是言我本無心有所希求三藏本心不求方等取小

已分故今此寶藏自然而至如此不求般若雖領非

不求今此寶藏自然而至而令自得此領何義即

是般若之後次說法華先已領知庫藏諸物後不須
說但付家業而已譬前轉教皆知法門不須重演觀
法直破草菴腸一太車授記作佛法華經十卷授者授與
記者記事開與授
記昔有通別通開一切眾生皆當作佛別開
當座悟入通記阿耨菩提別記劫國名號
四十六年乙丑佛成道後四十二年說法華經法華經性論
說法華凡二處三會始在靈山次升虛空後復
還靈山法華以無量義為序普賢行法為結
法華教主準四明立義法華所明三十二相名尊
特者以即法身故是則生身即法身者便為尊特
此就開權即劣顯勝而明尊特龍女欲彰開權妙
相故云法身具三十二相此一一相全理顯現法
身徧故三十二相相相周徧法具萬德相亦須具

此之妙身不名尊特更指何身為尊特邪此則亦
異淨覺定是生身之義至若即一論三者祇三十
二相如來妙力為三藏示有分齊名曰生身祇三
十二相如來妙力為從通入別機示無分齊名為
尊特祇三十二相如來妙力為圓教機示一一相
即是本性所具法門名為法身由三種機感於如
來即於一身示三種相

四十七年丙寅

四十八年丁卯

四十九年戊辰

此五十由旬

淨飯王病重念見諸子佛在王舍城去
父王所治迦維衛國王舍城在摩竭提
國並中由今言五十由旬即相去二

野告難陀阿難羅云即以神足至王官所漏身虛空
放大光明光照王身患得安息復以手著父王額上
曰王是淨戒之人心垢已離今應歡喜諦思經法時
王於卧合掌心禮忽就後世諸釋棺斂置師子座佛
及難陀喪前肅立阿難羅云住在喪足佛為當來世
人不孝躬欲擔棺大千世界一切震動欲界諸天諸
龍鬼神俱來赴喪時四天王跪請擔棺各自變身如
人形像世尊手執香鑪前行出詣墓所千阿羅漢往
大海渚取栴檀香壘棺焚之諸王收骨置於金函起
塔供養佛告眾會父王淨行生淨居天淨飯王泥洹
經○生五淨

居者第三下果
阿那舍人

初波斯匿王舍衛國主嫖於釋氏摩訶男以家中婢生女
妻之生子名流離年八歲令詣外家學射術時新作
講堂欲請佛僧流離即升師子座諸釋嗔罵之云此
婢生子敢入中坐摸之著地後紹王位往征釋種目
連三反白佛佛言宿緣已熟今當受報流離王既入
城取諸釋理脚地中以象踏殺之凡九千九百九萬
人流血成河選五百端正釋女欲與相接一女罵云
我今何故與婢生種通乃至五百女皆如此罵王取
五百女別手足擲阬中遷至舍衛兄祇陀太子出見
流離王曰吾與諸釋戰何不佐我祇陀曰我不堪殺
害眾生王即拔劍殺祇陀命終即生忉利五百釋女

稱怨向佛。佛至其邊，說法得法眼淨，命終生天。佛還給孤獨園，告諸比丘：今流離王及此兵衆，卻後七日，盡當磨滅。至七月初，王將兵衆詣河娛樂，天大雷震，暴風疾雨，王及兵衆為水所漂，身壞命終，入阿鼻獄。此云無救。鼻音毗。佛因為諸比丘說釋種宿世捕魚殺害因緣。今還受報之事。長阿含經。案：興起行經云：過去羅閱城有池，多魚。村人捕之，若岸而跳。一名多含，相語曰：我等不犯人，橫見殺我後世當報時，村人男女，今諸釋種是。起魚者毗婁勒王是多舌者。今王相師各惡舌者是我。是時為小兒見魚跳而喜，以杖打魚頭。王代釋種時，我得痛流離殺諸釋氏。阿難愁惱來佛所言，我與如來同一釋種云：何如來光顏如常。佛言：我修空定，過三二年已還來問我。涅槃經。目連取知識四五百人，成罽著鉢中。

舉置虛空，流離軍退。佛令取鉢視之，人皆死盡。佛為說無常法，無央數人得須陀洹果。法喻經。

五十年巳

五十一年庚午

五十二年辛未冬十一月既望，既在毗舍離國大材精舍重閣講堂，告諸比丘：卻後三月，我當般涅槃。即為

普賢菩薩行法經。

述曰：案神照經疏云：建子之月既望，告衆行法。既是結經，則知說法華止七年耳。今約已經開顯，又二經同味，故通稱八年也。

釋迦牟尼佛本記三

一、...
 二、...
 三、...
 四、...
 五、...
 六、...
 七、...
 八、...
 九、...
 十、...

[Faint, illegible text on the left page, possibly bleed-through or very faded characters.]

